

Gjykatës Rrethit Gjyqësor Elbasan. Nga arsyetimi i këtij vendimi thuhet se u takon organeve shtetore që të gjejnë mjetin e përshtatshëm efektiv për të rivendosur të drejtat e cënuara të individëve, në rast se ky cënim ka ardhur si pasojë e veprimeve ose mosveprimeve të këtyre organeve.

Në kushtet kur kuadri ligjor në rastin konkret paraqet boshllëk për rregullimin e këtyre situatave si dhe duke u bazuar në rolin dhe misionin e Ministrisë së Drejtësisë dhe të Këshillit të Lartë të Drejtësisë, vrehet si domosdoshmëri ndërhyrja e këtyre organeve për të gjetur mjetin e përshtatshëm dhe mekanizmat konkret për shmangjen dhe zhblokimin e situatës me qëllim respektimin e së drejtës së shtetasve për një proces të rregullt.

Në kuadrin e punës parandaluese duke patur parasysh shkeljet e kryera nga gjyqtari Xh. K. në Gjykatën e Rrethit Gjyqësor Elbasan që kishte 709 raste dosje pa vendime gjyqësore të paryetuara nga viti 2007 deri në vitin 2013, dhe rasti i gjyqtarit R. D., gjyqtar në Gjykatën e Rrethit Gjyqësor Sarandë me 5 dosje pa vendime gjyqësore të arsyetuata, ka vend që nga ana juaj të pregaditet dhe të dërgohet një qarkore për të gjithë gjykatat e rretheve gjyqësore dhe të apelit, se këto raste të konstatuara janë shkelje të rënda ligji dhe ngarkojnë me përgjegjësi disiplinore të gjithë gjyqtarët, me qëllim që nga ana e tyre të punohet më shumë me arsyetimin e vendimeve gjyqësore, në kohe dhe brenda afateve ligjore.

Në nenin 63/3 të Kushtetutës së Republikës së Shqipërisë, thuhet se: "Avokati i Popullit ka të drejtë të bëjë rekomandime dhe të propozojë masa kur vrehen shkelje të të drejtave të njeriut, nga administrata publike", dhe neni 24/a të Ligjit Nr.8454 datë 04.02.1999, "Për Avokatin e Popullit", ku parashikohet e drejta e Avokatit të Popullit për të bërë rekomandime legjislative organeve shtetore që kanë të drejtën ligjvënëse, të bëjë propozime për ndryshimin dhe përmirësimin e ligjeve,

Në këto kushte, ju

REKOMANDOJMË :

1. Marrjen e masave ligjore për zgjidhjen e problemit për 4 dosje gjyqësore të përfunduara së gjykuari nga gjyqtari R. D. në Gjykatën e Rrethit Gjyqësor Sarandë, të cilat janë pa vendime gjyqësore të arsyetuara.
- 2 .Mbi masat e marra nga ana juaj për sa më sipër, lutemi të njoftohemi me shkrim brenda 30 ditësh.

Duke besuar në mirëkuptimin dhe bashkëpunimin tuaj,

KOMISIONERI

Arben SHKËMBI